

Institiúid Oideachais Marino (IOM)

Agus é spreagtha ag fíis na Críostaíochta, pobal teagaisc, foghlama agus taighde is ea Institiúid Oideachais Marino (IOM) atá tiomanta d'ionchuimsiú agus do bharr feabhais san oideachas a chur chun cinn. Is coláiste comhlachaithe de chuid Choláiste na Tríonóide, Baile Átha Cliath, Ollscoil Bhaile Átha Cliath é IOM, agus cuireann sé cláir fochéime agus iarchéime san oideachas ar fáil, lena n-áirítear cláir oideachais thosaigh mhúinteoireachta.

Fáiltíonn Comhlacht Rialaithe IOM cuireadh roimh iarratais ó dhaoine ag a bhfuil cáilíochtaí oiriúnacha don phost de

ÁNRA TEAGAISC SAN OIDEACHAS CEOIL

Conradh téarma sheasta 2 bhliain, ar bhonn lánaimseartha

CUR SÍOS GINEARÁLTA AR AN bPOST

Dualgais agus Téarmaí & Coinníollacha Ginearálta Fostaíochta

1 PRÓIFÍL AN IARRTHÓRA AGUS RAON FEIDHME AN PHOIST

Is mian le hInstitiúid Oideachais Marino (IOM) Ánra Teagasc a cheapadh ag a bhfuil saineolas ar Oideachas Ceoil ar chonradh téarma sheasta dhá bhliain, neamh-inathnuaite ag tosú i mí Lúnasa 2025.

Tá IOM ar lorg ceapaí atá nuálach agus rannpháirtíoch chun modúil a theagasc a bhaineann go sainiúil le réimse an Oideachais Cheoil ar chlár oideachais thosaigh do mhúinteoirí, lena n-áirítear ar an mBaitsiléir san Oideachas (Bunoideachas), B.Oid., agus ar an Máistreacht Ghairmiúil san Oideachas (Bunoideachas), MGO. D'fhéadfadh sé a bheith riachtanach don cheapaí teagasc ar an B.Sc san Oideachas Luath-Óige. Beidh dualgais ghinearálta aige/aici a bhaineann le hoideachas, e.g. maoirseacht a dhéanamh ar mhic léinn atá ar shocrúcháin, agus modúil a theagasc lasmuigh den oideachas ceoil.

Tá sé tábhachtach go mbíonn tiomantas aige/aici don fhoghlaím agus don teagasc ar ardchaighdeán i dtimpeallacht atá dírithe ar an mac léinn. Tá sé inmhianaithe díograis le haghaidh timpeallacht ildisciplíneach a bheith ag an iarrthóir. Caithfidh an duine a cheapfar fianaise a léiriú ar thiomantas láidir do bharr feabhais sa teagasc, i bhfoghlaim agus i measúnú. Tá an ról seo oiriúnach go háirithe do mhúinteoirí atá cláraithe leis an gComhairle Mhúinteoireachta ag a mbeadh spéis i socruithe maidir le sos gairme nó dóibh siúd ar mhaith leo leas a bhaint as timpeallacht teagaisc san ardoideachas.

Cáilíochtaí agus Scileanna Bunriachtanacha (i.e. scileanna nach féidir le hiarrthóir an post a dhéanamh gan iad. Ní dhéanfar iarratais a chur ar an ngearrliosta nár léirigh go soiléir go bhfuil na bunriachtanais ag an iarrthóir):

Ionas go measfar iad don phost seo, beidh an méid a leanas ag teastáil maidir le hiarratasóirí:

- Cáilíocht mhúinteoireachta ar leibhéal an bhunoideachais atá aitheanta, nó atá incháilithe le haghaidh aitheantais, ag Comhairle Mhúinteoireachta na hÉireann (Bealach 1).
- Cáilíocht iarchéime ar leibhéal Máistreachta nó níos airde san oideachas.
- Taithí 5 bliana ar mhúinteoireacht, go hidéalach ar fud réimse leathan de ghrúpaí ranga.
- Eolas ar fhorbairtí comhaimseartha i réimse an oideachais cheoil, lena n-áirítear forbairtí curaclaim le déanaí in Éirinn.
- Eolas ar cheol a theagasc, ar chleachtas nuálach agus ar theagasc/fhoghlaim chomhoibritheach mar aon le saineolas cruthaithe ina leith sin.
- Inniúil ar theicneolaíocht a úsáid chun teagasc, foghlaim agus forbairt ghairmiúil a dhéanamh.
- A bheith in ann obair as a stuaim féin agus mar bhall d'fhoireann.

Critéir Inmhianaithe

- An cumas chun teagasc trí mheán na Gaeilge
- Cáilíocht iarchéime san oideachas ceoil

Ní mór d'iarrthóirí a léiriú go soiléir ina n-iarratais an dóigh a gcomhlíonann siad gach ceann de na réamhriachtanais seo.

2. CUR SÍOS POIST

An Caidreamh Tuairiscithe

Éilítear ar an gceapaí na dualgais a bhaineann leis an bpost a chur i gcrích, faoi stiúradh ginearálta Cheannaire na Rannóige dá dtuairiscíonn sé/sí, agus dá bhfuil sé/sí freagrach as feidhmiú na ndualgas sin ar an gcéad dul síos. Tuairisceoidh an ceapaí tríd Cheannaire na Rannóige d'Uachtarán na hInstitiúide agus/nó dá leithéid d'oifigigh IOM eile a d'fhéadfadh an tUachtarán a ainmniú ó am go ham. D'fhéadfadh an caidreamh tuairiscithe bheith faoi réir athbhreithniú tréimhsiúil, ar aon dul le riachtanais seirbhíse agus le forbairtí san Institiúid.

Dualgais agus Freagrachtaí

- Modúil a theagasc agus a mheasúnú ar na cláir fochéime (B.Oid., B.Sc san Oideachas Luath-Óige) agus ar chláir iarchéime (MGO), de réir mar is gá.
- Teagasc, foghlaim agus measúnú atá nuálach a chur chun cinn i measc na mac léinn.
- Forbairt ríomhphunann le mic léinn trasna chontanam an oideachais
- Maoirseacht a dhéanamh ar mhic léinn atá ar shocrúcháin
- Páirt a ghlacadh sna dualgais/próisis riaracháin ar fad den roinn lena n-áirítear rannpháirtíocht i gcruinnithe na roinne, cruinnithe na hInstitiúide agus cruinnithe de chuid grúpaí eile
- Bheith i láthair agus páirteach i ngach cruinniú de chuid Chúirt na Scrúdaitheoirí

- Freastal ar chruinnithe roinne, dáimhe agus foirne
- Comhaltas de choistí na hInstitiúide agus na dualgais is iomchuí do na coistí sin a chomhlíonadh
- Comhairliúchán leis na mic léinn agus an pobal foghlama níos leithne
- Páirt a ghlacadh i ngnáthaimh roghnúcháin le haghaidh mac léinn ionchasach ar nós agallaimh don MGO/agallaimh mac léinn lánfhásta
- Cur leis na himeachtaí ar féilire na hInstitiúide ar nós an Lá Oscailte, seachtain an ionduchtaithe, feitheoireacht scrúdaithe
- Mol agus cur le dearadh modúil agus cúrsaí nua, de réir mar is cuí
- Feidhmiú mar theagascóir pearsanta le mic léinn agus é leithdháilte
- Seacht dtreoirphrionsabal na n-iontaobhaithe a chur chun cinn

Ba cheart a thabhairt faoi deara nach mór don cheapaí obair a dhéanamh mar bhall foirne i ngach réimse oibre/roinn laistigh den Institiúid. Cé go bhfuil na dualgais a bhaineann leis an bpost sainithe ar an iomlán faoi na ceannteidil éagsúla mar atá liostaithe, ní liosta uileghabhálach é liosta na ndualgas. Éileofar ar an gceapaí feidhmiú ar bhealach solúbtha agus comhghleacúil. Forchoimeádann IOM an ceart dualgais nua a shannadh nó foireann a athshannadh do réimsí eile na hInstitiúide, nó an dá rud araon, mar fhreagairt ar riachtanais seirbhíse.

3. EOLAS MAIDIR LE HIARRATAIS, MAIDIR LEIS AN bPRÓISEAS ROGHNÚCHÁIN AGUS EOLAS GINEARÁLTA EILE.

Modh Roghnúcháin le haghaidh Molta

Déanfar gearrliostú d'iarrthóirí a bheidh bunaithe ar cháilíochtaí, ar oiriúnacht agus ar thaithí oibre ábhartha an iarrthóra de réir mar atá sonraithe san iarratas. Is é an t-iarrthóir atá freagrach as a chinntiú go gcuirtear faisnéis ábhartha uile san áireamh lena iarratas/hiarratas agus go dtaispeánann sé/sí go soiléir an dóigh a gcomhlíonann sé/sí na critéir iarrthóra shonraithe.

Déanfaidh painéal agallaimh an t-agallamh a bheidh comhdhéanta de líon nach lú ná 3 dhuine, agus cuimseofar na daoine is oiriúnaí agus is cáilithí ann chun iarratasóirí sa disciplín a mheasúnú.

Is é an Comhlacht Rialaithe a dhéanann gach ceapachán fostaíochta ag IOM. Cuirfear moltaí an phainéil agallaimh maidir le hiarratasóirí rathúla a cheapadh do phoist uile faoi bhráid Chomhlacht Rialaithe IOM lena mbreithniú agus lena gcinneadh.

Ní mór d'iarrthóirí fianaise dhoiciméadach shásúil a chur ar fáil ar oiliúint agus ar thaithí uile arna maíomh acu, más gá.

Tréimhse Phromhaidh

Beidh an fhostaíocht faoi réir thréimhse phromhaidh sé mhí ar dtús. Forchoimeádann an Eagraíocht an ceart síneadh ama a chur leis an tréimhse phromhaidh seo ar bhonn eisceachtúil faoina rogha aonair féin faoi réir uastréimhse aon mhí dhéag. Sínfear an tréimhse phromhaidh mar gheall ar neamhláithreachtaí lena linn. Déanfar monatóireacht ar fheidhmíocht agus ar iompar le linn na tréimhse promhaidh trí phróiseas de chruinnithe measúnaithe. Beidh foirceannadh fostaíochta le linn na tréimhse promhaidh faoi rogha na hInstitiúide. Beidh leagan ciorraithe den nós imeachta smachta infheidhme maidir le fostaithe ar promhadh.

Grinnfhiosrúchán an Gharda Síochána

D'fhéadfadh sé a bheith riachtanach d'iarratasóirí rathúla uile páirt a ghlacadh i nGrinnfhiosrúchán an Gharda Síochána. Tabharfar treoracha sainiúla maidir leis an bpróiseas sin ag an am iomchuí. Déanfar

iarrthóirí nach gcomhlíonann riachtanais na hInstitiúide maidir leis sin a eisiamh ó bhreithniú don cheapachán seo.

Oiliúint Bhunriachtanach

Beidh ar an iarrthóir a éiríonn leis nó léi tabhairt faoin oiliúint chomhlíontachta bhunriachtanach seo a leanas: Ionduchtú, Sláinte & Sábháilteacht agus Cosaint Sonraí (RGCS), agus ní mór dó/di fianaise a sholáthar ar Oiliúint maidir le Cosaint Leanaí de chuid Tusla a bheith déanta acu. Seans go mbeadh gá le tabhairt faoi oiliúint eile má tá gá leis sin.

Tuarastal

Is é an tuarastal tosaigh bhliantúil €42,500 go €54,139 (scála 6 phointe).

Na hIarratais a Dhéanamh

Déan iarratas le litir chlúdaigh agus CV amháin (ní chuirtear aon fhoirm iarratais speisialta ar fáil), tríd an ríomhphost más féidir chuig careers@mie.ie nó tríd an bpost chuig:

An Oifig Acmhainní Daonna
Institiúid Oideachais Marino
Ascaill Uí Ghríofa
Baile Átha Cliath 9 (D09 R232)

**Ní mór iarratais chomhlánaithe a bheith faighte faoi 12 meán lae, Dé hAoine an 02 Bealtaine 2025.
Ní ghlacfar le hiarratais a bheidh mall.**

Ní bheidh an Institiúid freagrach as costais ar bith, lena n-áirítear speansais taistil, a bhféadfadh iarrthóirí iad a thabhu i ndáil lena n-iarrthóireacht.

Is fostóir comhdheiseanna í Institiúid Oideachais Marino.